



UNIVERSITÄTS-
BIBLIOTHEK
PADERBORN

Consensus Veteris Et Moderni Papatus

**Reck, Johann von der
Monasterii Westphaliæ, 1722**

XII. De libero hominis arbitrio.

[urn:nbn:de:hbz:466:1-68472](#)

etiam ignorantēs vident, quid sequi
debeant; in ipsā legunt, qui literas
nesciunt.

Item lib. 7. epist. 53. Scio quidem,
quod imaginem Salvatoris nostri non
ideo petis, ut quasi Deum colas;
sed ob recordationem filii Dei in
amore ejus recalescas.

*S. Augustinus lib. 3. de doctrina Chri-
stiana cap. 9.* Docet honorandas imagi-
nes, quia honor iste ad earum prototypon,
sive ad res illas, quas nobis exhibent,
refertur. Qui verò aut operatur aut
veneratur utile signum divinitus insti-
tutum, cuius vim significationemque
intelligit, non hoc veneratur, quod vi-
detur & transit; sed illud potius, quò
talia cuncta referenda sunt.

X I I.

De libero hominis arbitrio.

S. Cyprianus lib. 1. epist. ad Cornelium.
Nec præpositum servum deserit à qui-
busdam miretur aliquis, quando i-
psum Dominum magnalia & mirabi-
lia

lia summa facientem , & virtutes fa-
ctorum suorum Dei Patris testimo-
nio cōprobantem , Discipuli sui re-
liquerint. Et tamen ille non incre-
puit recedentes , aut graviter cō-
minatus est ; sed magis conversus ad
Apostolos suos dixit : nonquid &
vos vultis ire ? servans scilicet legem ,
quā homo libertati suæ relictus , &
in arbitrio proprio constitutus , sibi-
met ipsi vel mortem appetit , vel sa-
lutem.

S. Clemens Romanus l. 3. recogn. Sed
Sed dic: quomodo ergo Deus judicat
secundūm veritatem unumquemque
pro actibus suis , si agere aliquid in
potestate sua non habuit ? hoc si te-
neatur , convulsa sunt omnia. Frustra
erit studium sectandi meliora ; sed &
judices sæculi frustra legibus præsunt
& puniunt eos , qui male agunt : non
enim in sua potestate habuerunt , ut
non peccarent.

S. Cyrillus Hierosolymitanus Catech. 4
Illuminat. Anima sui juris , suique ar-
D 4 bitrii

bitrii est : & diabolus eam sollicitare , falleréque quidem potest ; at cogendi , nisi velit ipsa , potestatem non habet. Suggerit tibi scortationis cogitationem : si velis , admittis : nam si necessitate coactus scortareris , quam ob rem Deus gehennam parasset ? Mansueta est ovis : verùm nunquam ea propter eam mansuetudinem coronam est adepta ; quandoquidem ea mansuetudo non animi iudicio voluntatéque , sed naturā instituta est.

S. Hieronymus lib. 2. contra Jovin.
c. 2. Liberi arbitrii nos condidit Deus : nec ad virtutes , nec ad vitia necessitate trahimur : alioquin ubi necessitas , nec damnatio nec corona est.

S. Augustinus lib. 2. de libero arbitrio c. 1. Habemus liberum voluntatis arbitrium , & non nisi eo peccamus.

Item libro de quantitate animæ c. 6.
 Datum est animæ liberum arbitrium , quod qui nugatoriis ratiocinationibus

bus labefactare conantur , usque adeo cæci sunt ; ut ne ista quidem vana atque sacrilega , propria voluntate se dicere intelligant.

Item lib. 5. de civitate Dei c. 10,
Quocirca nullo modo cogimus , aut retentâ præscientiâ Dei tollere voluntatis arbitrium ; aut retento voluntatis arbitrio , Deum , quod nefas est , negare præscium futurorum : sed utrumque amplectimur , utrumque fideliter & veraciter confitemur .

X I I I.

De bonis operibus , & eorum dem merito.

S. Cyprianus de unit. Eccles. Justitiâ opus est , ut promereri quis possit Deum : præceptis ejus & monitis obtemperandum est , ut accipiant merita nostra mercedem

S. Chrysostomus conc. 4. dc Lazaro. Si justus est Deus , & his & illis reddet pro meritis. Quòd si & his & illis reppendet pro meritis : hic verò nullus

D 5 co-